



Аллоҳ таоло Нур сурасининг 27- оятида шундай дейди: «**Эй мўъминлар, ўз уйларингиздан бошқа уйларга то изн сўрамагуningизча ва эгаларига салом бермагуningизча кирмангиз**».

61- оятида эса «**Қачон уйларга кирсангизлар бир-бирларингизга Аллоҳ ҳузуридан бўлган муборак покиза саломни айтинглар,** (яъни “Ассаламу алайкум ва роҳматуллоҳи ва барокотуҳ денг)».

Муттафақун алайҳ бўлган ҳадисда Абдуллоҳ ибн Амр разиллоҳу анхума шундай дейди: Бир киши Расулуллоҳ соллаллоҳу алайҳи ва салламдан

- Ислом амалларининг қайсииниси яхши? деди.
- «Мискинларга таом беришингиз ва таниган ва танимаган одамга салом беришингиз», дедилар.

Муттафақун алайҳ бўлган бошқа бир ҳадисда Баро ибн Озиб розияллоҳу анҳу шундай деди: Расулуллоҳ соллаллоҳу алайҳи ва саллам бизни етти нарсага буюрдилар: беморни зиёрат қилиш, жанозаларга эргашиш, – агар бирор аксирса ва “алхамдуиллаҳ” деса унга – “ярҳамукаллоҳ” дейиш, заифларга ёрдам бериш, мазлумларга кўмаклашиш, саломни ошкор қилиш ва қасамни оқлаш (яъни агар қасам ичса қасамини бажариш)», дедилар.

Имом Муслим Абу Ҳурайра розияллоҳу анхудан ривоят қилган ҳадисда Расулуллоҳ соллаллоҳу алайҳи ва саллам дедилар: «Иймон келтирмагуningизча жаннатга кирмайсизлар, бир-бирингизни яхши кўрмагуningизча мўъмин бўлмайсизлар. Агар уни қилсангиз бир-



биингизни яхши кўриб қоладиган амалга сизларни йўллаб қўяйми?!
Орангизда саломни фош яъни, ошкор қилинглар».

Шарҳ

Саломлашиш Ислом умматининг шиорларидан бири. Аллоҳ таоло саломлашишни мусулмонлар орасидаги кўришиш ва мусулмоннинг мусулмон биродари устидаги хақларнинг биттаси қилди. Расулуллоҳ соллаллоҳу алайҳи ва саллам саломни одамлар орасида баланд овоз билан ошкор қилиш жаннатга олиб бориши ва мусулмонлар орасидаги муҳаббатга сабаб бўлишидан хабар бердилар. Бугунги кунда саломни ошкор қилишни қўйинг, салом беришнинг ўзи йўқолиб кетмоқда, берилса ҳам факат танишларга берилади, бу ҳам суннатга хилоф бўлиб, қиёматнинг аломатларидан бири. Пайғамбаримиз соллаллоҳу алайҳи ва саллам таниган ва танимаганларга баробар салом беришга буюрганлар. Сахобалар одамларга салом бериб, ажр олиш учун атай бозорларга чиқишар эди.

Аллоҳ таоло ҳаммамизни бир-биримизга саломни ошкор қиласидиган муҳаббатли мўминлардан қилсин.

Бугунги дарсдан олинадиган фойдалар

1. Саломнинг fazli улуғdir, саломнинг asli Аллоҳning ҳузуридан bўlgan муборак olқишидир.
2. Салом мўминларни жаннатга киришларига сабаб bўладиган муҳаббатга сабаб bўлади.
3. Салом таниган ва танимаган ҳамма мусулмонларга берилади.